

23. oktober 2009

UKA 2009/125

**Meeqqanut ileqqaarutit atorunnaarsinneqarnissaat pillugu Inatsisartut
inatsisussaattut siunnersuut**

Pillugu

Inatsisartut Akileraartarnermut Akitsuusiisarnermullu Ataatsimiititaliaata

ISUMALIUTISSIISSUTAA

Siunnersuutip aappassaaneerpeqarnerani saqqummiunneqartoq

Inatsisartut Akileraartarnermut Akitsuusiisarnermullu Ataatsimiititaliaa
suliarinninnermini ukuninnga inuttaqarpoq:

Inatsisartunut ilaasortaq, Niels Thomsen (siulittaasoq)
Inatsisartunut ilaasortaq, Harald Bianco (siulittaasup tullia)
Inatsisartunut ilaasortaq, Aqqaluaq Egede
Inatsisartunut ilaasortaq, Aleqa Hammond
Inatsisartunut ilaasortaq, Jens Imanuelsen

Siunnersuutip siullermeerpeqarnera tunngavigalugu siunnersuut matumani
pineqartoq ataatsimiititaliap misissorpaa.

Siunnersuutip imarisaa

Meeqqanut ileqqaarutit atorunnaarsinneqarnissaat, tamatumunngalu taarsiullugu ukiumut 18 mio. kr.-t missaat ukiumoortumik immikkoortinneqartartut meeqqanut inuusuttunullu tapersorsorneqarnissaminut pisariaqartitsilluinnartunut suliniutinut atorneqarnissaat Naalakkersuisut siunnersuuteqarnermikkut kissaatigaat.

Tusarniaaneriit

Siunnersuut piffissami 11. august 2009-mit 21. august 2009-mut tusarniaassutigineqarpoq. KANUKOKA eqqarsaatigalugu tusarniaanermi piffissaritinneqartoq, qinnutigineqarneratigut sapaatit akunnerinut sisamanut sivitsorneqarpoq. Tusarniaanermi akissutigineqartut inatsimmut nalinginnaasumik nassuiaatini Naalakkersuisunit oqaaseqarfigineqarpoq.

Siunnersuutip Inatsisartuni siullermeerneqarnera

Inuit Ataqatigiit, Demokraatit aamma **Kattusseqatigiit Partiiata** aningaasat meeqqap 18-iinissaanut pituttorneyinngarnit aningaasat immikkoortinneqartut meeqqanut inuusuttunullu pisariaqartitsisunut pisariaqartilluinnagaannullu atorneqarnissaat naapertuunnerpaanissaa eqqarsaatigalugu siunnersuut tapersorsorpaat. Meeqqanut ileqqaarutit aaqqiinerup atorunnaarsinneqarnissaa Namminersorlutik Oqartussat aningaasaataasa killeqartut pingaarnersiorneqartariaqarnerannut takussutissaavoq.

Siumut aamma **Atassut** siunnersuut tapersersunngilaat, isumaqaramik meeqqat inuusuttullu qaninnerusoq ungasinnerusorlu isigalugit tapersorsorneqartariaqartut. Taamaalilluni meeqqanut ileqqaarutit aqqissuussinerit meeqqap 18-reernerata kingorna tapersiissutit ungasinnerusoq isigalugu suliniutaavoq. Aammattaaq aningaasat allatut qanoq atorneqarnissaannik siunnersuuteqartut innersuussinnaannginnerat ajornartorsiutaasoq isumaqarput. Aammattaaq oqaatigineqarpoq Naalakkersuisut aningaasanut inatsimmi sipaaruteqarnissamut siunnersuutaat allatpisariaqartitsinerpaat namminneq sipaaruteqarnissamut periarfissaat ajornarsisissagaat.

Naalakkersuisut

Meeqqat aatsaat 18-iliineranni tunniunneqartussanik meeqqanut ileqqaarutit aqqissuussinermut ukiumoortumik 18 mio. kr.-it atorneqartarnerat tulluartut isigineqanngitsoq Naalakkersuisut oqaatigaat. Tamatumunnga taarsiullugu aningaasat taakku meeqqanut inuusuttunullu ullumikkut ajornartorsiortunut atatillugu suliniutinut atorneqarnissaat Naalakkersuisut kissaatigaat.

Siumup ikinnerussuteqarluni oqaaseqaatip matuma kinguliiniittup isumaliutissiissummut ilanngunneqarnissaa kissaatigaa:

”Meeqqanut inuusuttunullu atugassarititaasut qanittooq ungasinnerusorlu isigalugit pitsannorsarneqarnissaannik sulisoqassasoq Siumut isumaqarpoq. Meeqqanut

ileqqaarutininik aaqqissuussineq ungasissoq isigalugu suliniutaassasoq siunertarpiaavoq.

Ileqqaarnerup siunertaraa Kalaallit Nunaanni meeqqat tamarmik ilaqtattatik qimakkunikkit pitsaasumik aallartinissamut periarfissinneqarnissaat. Ilinnialernissamut, illusinissamut inissiamilluunniit pisinissamut attartornissamulluunniit imaluunniit namminersortunngorniarluni aallartisarnissamut pisinnaatitaasup inersimasunngornerani aningaasat ileqqaakkat ikiuutaasinnaanerat siunertaavoq.

Piffissaq sivikitsoq isigalugu meeqqanut suliniutinut akissaqarumalluni ungasinnerusoq isigalugu aaqqiissutinut aallartinneqareersimasunit Naalakkersuisunit aningaasat aaniarneqarnerat Siumumit pitsaanngilluinnartutut isumaqarfigineqarpoq. Pingaartumik aningaasat meeqqanut ileqqaarutinit aaniarneqartut qanoq atorineqarnissaat Naalakkersuisut ilisimannngimmassulluunniit immikkut eqqarsarnartoqartinneqarpoq. Taamatut akuliunneq atuutilersinnagu minnerpaamik suliarilluarneqarsimanissaa tunngaviumik Siumut isumaqarpoq.

Tamatumunnga taarsiullugu aaqqiissutinik allanik, soorlu pisortani akeqanngitsumik biileqartitsinerup atorunnaarsinneqarnissaanik imaluunniit inuulluarniutinik assersuutigalugu angallatit nuannaariutit akitsuuserneqarnissaat Naalakkersuisut isumaliutigissagaat Siumup kaammattuutigissavaa.

Kiisalu aningaasat meeqqanut iluaqutaanissaannik qulakkeerisumik atorineqarnissaannut piumasaqaatitaqanngitsumik aningaasat ileqqaakkat “juullimut tunissutigiinnarneqarnissaat” Siumup akisussaassuseqannginnertut isigaa. Meeqqanut ileqqaarutininik aaqqissuussinerup atorunnaarsinneqarnissaanik siunnersuutip isumaliutigeqqissaagaannginneranut tamanna takussutissavoq.”

Akilerartarnermut Akitsuusiisarnermullu Ataatsimiititaliap siunnersuummik suliarinninnera

Meeqqanut ileqqaakkat immikkoortinneqartut maannangaaq 48 mio. kr.-it missaanniippat, taakku pisinnaatitaasunut tunniunneqarsinnaassallutik. Siunnersuutip kingunerisaanik meeqqanut ileqqaarutininik immikkoortitanit meeqqap pissarsiassai 31. decemberimi meeqqap aqqa atorlugu aningaaserivimmi kontomut nalinginnaasumut matoqqanngitsumut nuunneqassapput. Tamatuma kingorna aningaaserivinni kontonut nalinginnaasumik maleruagassanut konto taanna ilaatinneqalissalluni.

Pappiaqqat nalillit kaaviaartinneqartussat annasaqarfigineqarnerisa kingunerisaanik amigartooruteqartoqassagalarpat amigartoorutit taakku nunatta karsianit matussuserneqassapput. Maanna annikinnerusumik sinneqartoorteqartoqarnera pissutigalugu tamatuma pinissaa naatsorsuutigineqanngitsoq Naalakkersuisut paasissutissiissutigaat.

Akilaraartarnermut Akitsuusiisarnermullu Ataatsimiititaliap inassuteqaataa

Ataatsimiititaliami amerlanerussuteqartut **Inuit Ataqaatigiit Demokraatillu** siunnersuutip akuersissutigineqarnissaa inassutigaa. Ataatsimiititaliami **ikinnerussuteqartup** Siumup siunnersuutip itigartitsissutigineqarnissaa inassutigaa.

Taama oqaaseqarluni Akilaraartarnermi Akitsuusiisarnermullu Ataatsimiititaliap siunnersuut Inatsisartunut aappassaaniigassanngortippaa

Niels Thomsen
Siulittaasoq

Harald Bianco

Aqqaluaq Egede

Aleqa Hammond

Jens Imanuelsen